



СИБЭТИЭЙ ПАВЕЛ АПОСТОЛ ТИМОФЕЙГА БАСТАКЫ ИЛДЫТ СУРУГА

1¹⁻² Итэбэлгэ дын чохчч уолум буолар Тимофейга — Быһааччы Танарабыт уонна биһиги эрэлбит Айыы Тойон Иисус Христос соруйууларынан Апостол буолбут Павелтан.

Эйиэхэ Аҕа Танарабытыттан уонна Христос Иисус Айыы Тойоммуттан бары илгэлээх үтүнү кытта аһыныгас санаа, эйэ-ил тосхойо туруохтун!

Сымыһа үөрэхтэн сэрэтии

³⁻⁴ Македонияҕа барарбар эйигин Ефескэ хаалангын, сорох-сорохтортон атыны үөрэтэллэрин тохтооллорун, үһүээн-нэринэн, төрдүлэрин-уустарын кэмэ суох түөһүүнэн дыарыгыр-баттарын ирдээ диэн көрдөспүтүм. Итинник дыарык мөккүөргэ эрэ тиэрдэр буолан, Танара итэбэл көмөтүнэн ситиһэр сорууга туоларыгар туһалаабат. ⁵ Оттон биһиги ирдэбилбит сыала-сорууга — ыраас сүрэхтэн, үтүө суобастан уонна истин итэбэлтэн үөскүүр таптал. ⁶ Сорохтор итини хааллараннар, туһата суоҕу кэпсэтиинэн дыарыгырар буолбуттар. ⁷ Тугу куолулуулларын, бэл, тугу дыаныһан туран бигэргэтэллэрин даҕаны өйдөөбөт эрээрилэр, Сокуону үөрэтээччи буолуохтарын баҕараллар.

⁸ Оттон сөпкө туһанар киһиэхэ Сокуон туһалааҕын биһиги билэбит. ⁹ Оннук киһи билэр: Сокуон кырдыксыттарга буолбакка, суута-сокуона суох быһыыланааччыларга, бас бэриммэттэргэ, Танараны билиммэт, аһыылаах-харалаах, итэбэли утарар

1 ТИМОФЕЙГА 1

уонна Танараны холуннарар, ийэлэрин-аҕаларын тыыннарыгар турунар дьонго, өлөрүөхсүттэргэ, ¹⁰содурдарга, бэйэ-бэйэлэрин кытта эр-ойох олоҕунан олорор эр дьонго, кулутунан эргинээччилэргэ, уорааччыларга, сымыйаччыларга, андаҕары кэһээччилэргэ уонна да атыннык чэгиэн үөрэҕи араастаан утарааччыларга анаан бэриллитэ. ¹¹Оттон бу чэгиэн үөрэх алгыстаах Танара миэхэ эрэнэн туттарбыт килбиэннээх Евангелиетыгар этиллэринэн үөрэтэр.

Амарах Танараҕа махтаныы

¹²⁻¹³ Миэхэ күүс укпут Христос Иисуска, Айыы Тойоммутугар, миигин, урут Кинини холуннарбыт, сойуолаабыт уонна атаҕастаабыт киһини, эрэллээх киһитинэн билинэн, Бэйэтигэр сулууспалата туруорбутун иһин, махтанабын. Оннук быһыыланым билбэппиттэн, итэҕэйбэппиттэн тахсыбыт буолан, Танара миэхэ аһыныылаахтык сыһыаннаспыта; ¹⁴ онон Христос Иисустуун биир буолан ингэринэр итэҕэлбитин, тапталбытын кытары миэхэ Айыы Тойоммут илгэлээх үтүөтэ өлгөмнүк тиксибитэ. ¹⁵ Христос Иисус аһыныылаах дьону быһаары бу орто дойдуга кэлбитэ диэн этии дьин кырдьыктаах, ким баҕарар толору ылынарыгар сөптөөх этии; оттон кинилэртэн саамай халын аһыныылаахтара мин буолабын. ¹⁶ Онон Иисус Христос, дьон Кинини итэҕэйэн бараммат олохтоноллорун туһугар, миэхэ, буор уйбат аһыныылааҕар, Бэйэтин мунура суох тулуурун көрдөрөн, миигин кинилэргэ холобур гыныахтааҕа. Ол туһугар Танара миигин аһыммыта-харыһыйбыта. ¹⁷ Киниэхэ, үйэлэр сүдү Ыраахтааҕыларыгар, хаһан да өлбөт-сүппэт, киһи хараҕар көстүбэт, соҕотох Муударай Танараҕа, үйэттэн үйэлэр тухары үрдүк чиеэ, албан аат буолуохтун! Аминь.

¹⁸⁻¹⁹ Уолум Тимофей, эн тускунан урут төлкөлөммүтү өйдөөн туран, эйиэхэ кэриэспин этэбин. Итэҕэлгинэн, үтүө суобаскынан сэбилэнэн, ол этиллибитин курдук, хоһууннук туруулас. Сорох-сорохтор суобастарын сүтэрэн итэҕэллэрэ самныбыта; ²⁰ олоҕор ортолоругар Именей уонна Александр бааллар; мин кинилэри, Танараны холуннарбат буола үөрэнниннэр диэммин, сатанаҕа биэрбитим.

Таңараға үгүү туһунан

2¹⁻² Онон туох-хайа иннинэ эһигиттэн көрдөһөбүн: биһиги чуумпутук, эйэлээхтик, Таңараға толору бэриниилээх, ыраас олоһунан олорорбут кыалларын туһугар, эһиги Киниттэн көрдөһөргүт-ааттаргыт, үнэргит, махтанаргыт, дыону көмүскэһэргит — барыта бар дыон туһугар, ыраахтаабылар тустарыгар, былааһы тутан олорооччулар тустарыгар буолуохтаах. ³Итинник үнэр сиэрдээх, итини Быһааччыбыт, Таңара, сөбүлүүр. ⁴Кини дыон барыта быһаныан, кырдыгы билэр кыахтаныан баһарар. ⁵⁻⁶Тоҕо диэтэххэ, Таңара биир, киһи аймағы Таңараны кытта ситимнээччи эмиэ биир — бар дыон туһугар Бэйэтин толук биэрбит Киһи — Христос Иисус. Бу туһунан Таңара тустаах кэмигэр туоһулаабыта. ⁷Дьэ ол иһин, атын норуоттарга бу туһунан иһитиннэрэрим, кинилэри итэҕэлгэ, кырдыкка үөрэтэрим туһугар, Таңара миигин Апостол онорбута. Христос иннигэр* кырдыгы этэбин, сымыйалабаппын.

⁸Онон ханна да буоллун, эр дыон ыраас илиилэрин өрө уунан, ханнык да уордайыта, мөккүөрэ суох үнүөхтэрин баһарабын. ⁹Дьахталлар эмиэ сэмэйдик танныахтаахтар, баттахтарын онгостуутунан, кыһыл көмүһүнэн, чөмчүүгүнэн, күндү таһаһынан буолбакка, ¹⁰үтүө быһыыларынан симэниэхтээхтэр. Бу Таңараға бэриниилээхтэрин дыонго-сэргэҕэ аһаастык биллэр дьахталларга сиэрдээх. ¹¹Дьахтар саната-ингэтэ суох сылдьан улгумнук үөрэниэхтээх. ¹²Кини эр киһини үөрэтэрин да, эригэр бас-көс буоларын да көнгүллээбэппин, дьахтар саната-ингэтэ суох сылдьахтаах. ¹³Бастаан Адам, онтон кини кэнниттэн Ева айыллыбыта; ¹⁴албынҥа киирэн биэрээччи Адам буолбатах этэ, дьахтар албынҥа киирэн биэрэн, Таңара эппитин кэспитэ; ¹⁵ол гынан баран, кини итэҕэлэ энчирээбэтэҕинэ, таптала уостубатаҕына, чөлүн харанан, сибэтиэйдик олордоһуна, оҕо төрөтөн быһаныаҕа.

* 2:7 *Христос иннигэр* — сорох былыргы гректии илиинэн суруйууга бу тыллар суохтар.

Епископтар уонна диаконнар

3 Ким епископ буолуон баҕарар, ол үтүө соругу туруорунар диэн бу сөптөөх этии. ²Ол гынан баран епископ энкилэ суох олохтоох киһи буолуохтаах; биирдэ эрэ кэргэннэммит, динг толкуйдаах, чөлүн харанар*, дуоспуруннаах, айан дьонун амарахтык көрсөр, дьону үөрэтэр-уһуйар кыахтаах, ³арыгыһыта суох, илиитин көтөхпөт, бэйэтин кыана туттар, сымнаҕас, дьону-сэргэни кытта иллээх, харчыга ымсыыта суох киһи буолуохтаах. ⁴Кини дьыэ кэргэнин үчүгэйдик салайыахтаах; тылын истэр, үтүө быһыылаах-майгылаах оҕолордоох буолуохтаах. ⁵Бэйэтин дьыэтин-уотун кыайан салайбат киһи хайдах Тангара Дьыэтин кыайан салайыаҕай? ⁶Сангарды итэҕэйбит киһи епископ буолуо суохтаах, оннук киһи улаханлык сананан, адьарай дьүүлэммит дьүүлүгэр түбэһиэн сөп. ⁷Үөбүллүбэтин, адьарай добууругар иннибэтин туһугар, кини итэҕэйбэт дьонно эмиэ үчүгэй эрэ өттүнэн ахтыллар киһи буолуохтаах.

⁸Диаконнар эмиэ дуоспуруннаах, көнө тыллаах-өстөөх, арыгыга баҕатыйбат, харчыга харанарбат, ⁹итэҕэл кистэлэннин ыраас суобастарыгар ингэриммит дьон буолуохтаахтар. ¹⁰Кинилэри бастаан тургутан көрүллүөхтээх, дьэ ол эрэ кэнниттэн, туох да омсото суох буоллактарына, диакон сулууспатын толороллоро көнүллэниэхтээх. ¹¹Дьахталлар эмиэ дуоспуруннаах, хобу-сиби тиспэт, бэйэлэрин кыана туттар, барыга бары эрэбил буолуохтаахтар. ¹²Диакон биирдэ эрэ кэргэннэммит киһи буолуохтаах, оҕолорун, дьыэтээҕи дьонун — барыларын сатаан салайыахтаах. ¹³Үчүгэйдик үлэлээбит диаконнар үрдүкү кэрдиискэ ыттыахтара, Христос Иисуска итэҕэллэригэр улуу эрэмнүүлээх буолуохтара.

Итэҕэлбит кистэлэнэ

¹⁴Сотору эһиэхэ тийиэм диэн эрэннэрбин да, суруйабын. ¹⁵Баҕар, барбакка тардыллар түбэлтэбэр Тангара Дьыэтигэр — Тыыннаах Тангара Церковыгар — хайдах быһыылаах-майгылаах сылдыары билэргэр көмөлөөх буолуо дии саныыбын. Тангара

* ^{3:2} *Чөлү хараныы* (нууч. целомудрие) — 1. Чөл өйдөөх, толкуйдаах буолуу.
2. Ыраас майгы-сигили.

Дьийэтэ — дьин кырдык бигэ баҕаната, халбаннаабат чинг тирэҕэ. ¹⁶ Биһиги итэҕэлбит кистэлэнэ, туох да мөккүөрэ суох, сүрдээх сүдү: «Танара Киһи буолан кэлэн, Сибэтиэй Тыынынан кырдыгыгын туоһулаппыта, Аанньалларга Бэйэтин көрдөрбүтэ, араас норуоттарга иһитиннэриллибитэ; аан дойду дьонун итэҕэлин ылбыта, албан аатыран үөһэ ылыллыбыта».

Тимофейга сүбэлэр

4 Бу тиихэ кэмнэ сорохтор араас албын тыыннары уонна абааһы үөрэҕин истэн, итэҕэлтэн тэийиэхтэрэ диэн Сибэтиэй Тыын дьэнкэтик этэр. ² Оннукка үөрэтэр хоруорбут суобастаах сирэй көрбөх албыннар ³ ыал буолары уонна итэҕэйэр, кырдыгы билэр дьон махталы кытары аһаатыннар диэн, Танара айбыт аһылыгын сири боболлор. ⁴ Танара тугу айбыта барыта үчүгэй, онон махталы кытары аһыыр киһи туохтан да akkaастаныа суохтаах, ⁵ тоҕо диэтэххэ, итини барытын Танара тыла уонна үгүү ырааһырдар.

⁶ Бырааттаргы итинник өйдөтөр буоллаххына, эн итэҕэл тылынан уонна батыспыт үтүө үөрэҕин сүмэтинэн иитиллэн, Иисус Христос үтүө үлэһитэ буола үүнэн тахсыан. ⁷ Күн-көдүүһэ суох дойдохторгон, эмээхситтэр үһү-таамах үһүйээннэриттэн дьалты туттар буол. Танараҕа бэриниилээх буоларга эрчилин. ⁸ Эти-хааны эрчийии туһата кыра, оттон Танараҕа бэриниилээх буолуу билинҕи да, кэнэҕэс да олоҕу эрэннэрэр буолан, барытыгар туһалаах. ⁹ Бу кырдыктаах, толору ылынарга бэрт сөптөөх этии. ¹⁰ Ол иһин биһиги тыыннаах Танараҕа, бар дьону, чуолаан Кинини итэҕэйээччилэри Быһааччыга эрэнэр буоламмыт, сыралаһан туран сулууспалыбыт, ол иһин үөҕэллэрин-таныйалларын тулуйабыт*.

¹¹ Маны ирдиир, манньк үөрэтэр буол. ¹² Эйигин ким да эдэргин диэн сэнээбэтин: итэҕэйээччилэргэ тылгынан-өскүнэн, олоххунан, тапталгынан, ис тыынҕынан, итэҕэлгинэн уонна ырааскынан холобур буол. ¹³ Мин кэлиэхпэр диэри, Суруйуулары ааҕынан, өйдөтүүнэн-үөрэтиинэн дьарыктан. ¹⁴ Пресвитердар илиилэрин ууран үгэллэригэр эйиэхэ төлкөлөнөн

* 4:10 *Ол иһин үөҕэллэрин-таныйалларын тулуйабыт* — сорох былыргы грек-тии илиинэн суруйууга «ол иһин туруулаһабыт».

бэриллит дьобуру ыһыктыма. ¹⁵ Ити туһугар кыһанар, итинэн тиһигин быспакка дьарыктанар буол, оччоҕо ситиһиигин ким баҕарар көрүө. ¹⁶ Бэйэҕэр, үөрэтэр үөрэххэр болҕомтолоох буол, онтуккун хаһан да быһыма, инньэ гынан бэйэҕин да, истээчилэргин да быһыан.

Огдооболор тустарынан

5 Аҕа саастаах киһини сэмэлээмэ: аҕаҕар курдук, өйдөтөр буол; эдэр дьонго бырааттаргар курдук, ² аҕа саастаах дьахталларга ийэҕэр курдук, оттон эдэрдэргэ бары өттүнэн ыраастык сыһыаннаһан туран балыстаргар курдук өйдөт. ³ Огдообо дьахталлары ытыктыыр буол (дьинг огдооболору этэбин). ⁴ Оттон огдообо дьахтар оҕолордоох биитэр сиэннэрдээх буоллабына, ол оҕолоро-сиэннэрэ туох ханнык иннинэ дьиэ кэргэттэрин ытыктыы, төрөппүттэригэр, эһэлэригэр-эбэлэригэр иэстэрин төлүү үөрэнниннэр, Тангара оннугу сөбүлүүр. ⁵ Чорон соҕотох хаалбыт огдообо дьахтар Тангараны эрэнэр, түүннэри-күнүстэри үгэн Киниттэн көрдөһөр-ааттаһар; ⁶ оттон көччүйэн-көрүлээн олоһор дьахтар тыыннаахтыы өлбүтүн кэриэтэ. ⁷ Онон туох да омсото суох буолалларын туһугар, кинилэргэ итини өйдөтөр буол. ⁸ Бэйэтин дьонугар, чуолаан дьиэлээхтэригэр, кыһаллыбат киһи итэҕэлтэн akkaастанан, төрүт да итэҕэлэ суох киһитээҕэр мөлтүүр.

⁹ Огдооболор испииһэктэригэр алта уонуттан итэҕэһэ суох саастаах биирдэ эрэ эргэ тахса сылдыбыт дьахтар киллэриллиэхтээх; ¹⁰ кини дьонго үтүнү онорорунан эрэ биллэр, оҕолорун ииппит, ыалдытымсах, айаннаан иһэр сибэтиэйдэр* атаһарын сууйбут, кыһалҕа түбэспиттэргэ көмөлөспүт, ис сүрэхтэрин кыһаллан туран үтүнү онорбут буолуохтаах. ¹¹ Эдэр огдооболору испииһэккэ киллэримэ, олоһо эт-хаан имэнэр бэринэн, Христостан тэйэн эргэ тахсыахтарын баҕараллар. ¹² Кинилэр урукку мэхтиэ тылларын кэспит буруйдаахтар. ¹³ Ону таһынан иллэн буоланнар, ыалы кэрийэ үөрэнэллэр, иллэннэрин аһан, хобу-сиби таһаллар, билиэ суохтарын билэ сатыыллар, саһарыа суохтарын саһараллар. ¹⁴ Онон өстөөххө үөҕэр-хоһулуур сылтаах биэрбэт туһугар, эдэр огдооболор эргэ баран, оҕо

* 5:10 *Сибэтиэйдэр* — Тангара дьоно.

төрөтөн, дьиэлэрин-уоттарын көрөн ололоругар сүбэлибин. ¹⁵ Кинилэртэн сорох-сорохторо хайыы-үйэ суолтан туораан сатананы батыһан барбыттар.

¹⁶ Өскөтө итэҕэйээччи, эр киһи да, дьахтар да буоллун*, огдообо уруулардаах буоллаҕына, онтукаларыгар көмөлөһүөхтээх, дьин огдооболорго көмөлөһөр Церковка соннуо суохтаах.

Пресвитердар тустарынан

¹⁷ Церковы сатаан салайар пресвитердар, чуолаан үөрэтэриитэр дьон, икки бүк ытыктабылга сылдыахтаахтар. ¹⁸ Суруйууларга «бурдук астыыр оҕуһу айаҕын бүөлээмэн» уонна «үлэһит үлэтэ сөптөөх төлөбүрү эрэйэр» диэн этиллэр. ¹⁹ Пресвитеры буруйдаахтарына, икки-үс туоһу бигэргэтиитэ суох ону ылыныма. ²⁰ Аньыыны онорооччулары, атыттар эмиэ толлорун туһугар, аньыыларын бары истэллэригэр саралаа.

²¹ Танара иннигэр, Айыы Тойон Иисус Христос уонна талыллыбыт Аанньаллар көрөн турдахтарына, эн кими да чорбоппокко, кимин-тугун көрбөккө бу ыйбыппын-кэрдибиппин туһугар ыгырабын. ²² Илиигин ууран туран үнэргэ кимиэхэ да тиэтэйимэ, атын дьон аньыытыгар кыттыһыма. Ыраас буоларга бэйэҕин харыстан.

²³ Аны аҥаардас ууну эрэ иһимэ, куртаххынан чаастатык аһаабырар киһи виноград арыгытын кыратык амсайар буол.

²⁴ Сорох дьон аньыылара-харалара, ырылыччы көстө сылдыар буолан, дьүүлгэ быһа тириэрдэр, оттон сорохтор аньыылара кэнники арыллар. ²⁵ Син ол кэриэтэ үтүө дьайыы эмиэ ырылыччы көстөр; оттон көстүбэт да буоллаҕына, син биир биллибэккэ хаалбат.

Кулуттар тустарынан

6 Кулут бурҕалдытын кэтэ сылдыааччылар, Танара аатын, үөрэҕин ким да холуннарбатын туһугар, тойотторугар диринг ытыктабылынан сыһыаннаһахтаахтар. ² Итэҕэйэр тойоттордоох кулуттар биир итэҕэллээхтэрбит эрэ диэн тойотторугар

* 5:16 Өскөтө итэҕэйээччи, эр киһи да, дьахтар да буоллун — сорох былыргы гректии илиинэн суруйууга «өскөтө итэҕэйэр дьахтар».

1 ТИМОФЕЙГА 6

аанһа ахтыбаттык сыһыаннаһа суохтаахтар; төттөрүтүн, итэ-
бэйээччилэргэ, Танара таптыыр дьонугар, туһалыыбыт диэн,
өссө ордук кыһаллан туһалыахтаахтар.

Харчыга умсугуйуу

Маны үөрэтэр, маны өйдөтөр буол. ³Ким атынна үөрэтэр, уонна Айыы Тойоммут Иисус Христос өрүһүйэр күүстээх ты-
лыттан, Танараба бэриниилээх буоларга үөрэтэр үөрэхтэн тэ-
йэр, ⁴ол бэйэтин улаханлык сананар, тугу даһаны билбэт; кини
араас тыл суолтатыттан сылтаан мөккүһэр-аахсар дьаллыкка
сутуллубут. Итинтэн ордугурбааһын, хайдыһы, үөхсүү, куһа-
банна уорбалаһы, ⁵кураанах мөккүөр эрэ тахсар. Бу сатарый-
быт өйдөөх-санаалаах, кырдыгы таһы-быһа умнубут дьон са-
нааларыгар, Танараба итэбэл — байар-тайар, барыс киллэринэр
суол курдук. Итинник дьонтон тэйиччи сырыт*. ⁶Биллэн турар,
итэбэл олоҕо уонна туох баардааххын толору дуоһуйуу —
сүнкэн барыс. ⁷Бу орто дойдуга кэлэрбитигэр биһиги тугу да-
һаны илдьэ кэлбэтэхпит, барарбытыгар даһаны илдьэ барбап-
пыт чуолкай. ⁸Аһыыр астаах, таннар танастаах буоллахпыты-
на, онон дуоһуйуохтаахпыт. ⁹Оттон ким байыан-тайыан баба-
рар, ол аһыы угаайытыгар киирэн биэрэн, добуурга иннэр,
дьону алдьархайга, өлөр өлүүгэ эрэ тиэрдэр өйө суох, буорту-
лаах дьаллыкка ылларар. ¹⁰Туох баар куһаҥан төрдө-төрүөтэ —
харчы үлүскэнэ. Сорохтор бу үлүскэнгэ ылларан итэбэлтэн
туораан, үгүс муну-тангы бэйэлэринэн булуммуттара.

Итэбэл туруулаһыыта

¹¹Оттон эн, Танара киһитэ, итинтэн барытыттан куотан-
нын, кырдыктаах, бэриниилээх буоларга, итэбэйэргэ, тап-
тыырга, тулуйарга, көрсүө майгыланарга дьулус, ¹²итэбэл дьо-
һуннаах туруулаһыытынан туруулаһан бараммат олоҕу тутус.
Бараммат олоххо эн ыннырыллыбытын, бу олох иһин үгүс дьон
иннигэр итэбэлгин үтүө быһыылаахтык билиммитинг. ¹³Барыга
барытыгар олоҕу биэрэр Танара иннигэр уонна бу итэбэли Пон-
тий Пилакка үтүө быһыылаахтык туоһулаабыт Христос Иисус

* ^{6:5} *Итинник дьонтон тэйиччи сырыт* — сорох былыргы гректии илиинэн
суруйууга бу тыллар суохтар.

1 ТИМОФЕЙГА 6

иннигэр мин эйиэхэ кэриэс тылбын этэбин: ¹⁴бу кэриэс тылы Айыы Тойоммут Иисус Христос кэлэр күнүгэр диэри энкилэ суох, сэмэҕэ-сунхаҕа дыяк биэрбэккэ, тутуһар буол. ¹⁵Кини кэлэрин тустаах кэмигэр соҕотох сүнкэн күүстээх, алгыстаах Тангара, ыраахтааҕылар Ыраахтааҕылара, тойоттор Тойонноро көрдөрүөҕэ. ¹⁶Соҕотох Кини эрэ өлбөт үйэлээх, Кини ким да чугаһаабат сырдыгар олорор; Кинини ким да көрбөтөх, көрөр кыаҕа да суох. Киниэхэ албан аат буолуохтун, Кини үйэлэр туһары баһылыахтын! Аминь.

Баайдарга

¹⁷Бу үйэҕэ байбыт-тайбыт дьону үрдүктүк сананыман, эрэ билэ суох баайгытынан тумус туттуман, үөрэ-көтө олорорбут туһугар, биһиэхэ барыны барытын өлгөмнүк биэрэр тыыннаах Тангараҕа* эрэниг диэн өйдөтө сырыт. ¹⁸Кинилэр үтүнү онордуннар, үтүө дьайыларынан байдыннар, дьэллэмник бэрсэргэ өрүү бэлэм буоллуннар; ¹⁹бараммат олоххо** тиксэр туһугар, бэйэлэригэр итинник кылааты мунньунан, инники кэскиллэрин бигэ-таҕа төрүтүн олохтоотуннар.

Түһэх сэрэтии уонна алгыс

²⁰Оо, Тимофей, эйиэхэ итэҕэйилибити харыстаа дуу; Тангараҕа туох да сыһыана суох кураанах куолуну, «билии» диэн аатырдар сымыйа үөрэхтэрин мөккүөрүн истибэт буол. ²¹Сорохтор, оннук билиини ылбыт аатыраннар, итэҕэл суолуттан туораабыттара.

Тангара илгэлээх үтүөтэ эйигинниин энгээрдэһиэхтин. Аминь***.

* 6:17 *Тыыннаах Тангараҕа* — сорох былыргы гректии илиинэн суруйууга «Тангараҕа эрэ».

** 6:19 *Бараммат олоххо* — сорох былыргы гректии илиинэн суруйууга «дьингнээх олоххо».

*** 6:21 *Эйигинниин энгээрдэһиэхтин. Аминь* — сорох былыргы гректии илиинэн суруйууга «эйигинниин энгээрдэһиэхтин».